

敦煌縣鄉土志

卷四

地 180.15

539

10

敦煌縣鄉土志卷四

藝文志

記

開設沙州記

敦煌戶口漢唐極盛迨於明季而西醜蹂躪茲土遂同昏墊前清
雍正三年設沙州所四年川陝總督岳公巡邊至沙州相度地利
題請改衛並招甘省無業窮民二千四百戶開墾屯種特發帑金
給沿途口糧皮衣盤費及到沙州借與牛具籽種房價又念戶民
初到尚未耕種借與七月口糧雍正七年十一月奉 上諭據陝

西署督查郎阿奏稱招往安西沙州等處地方屯墾民戶今年到
者統計共有二千四百零五戶屯種既廣樹藝益繁所種小麥青
稞粟穀糜子等項計下種一斗收至一石三四斗不等共收穫糧
一十二萬餘石確計分數十有二分其餘各色種植亦皆豐厚家
給人足莫不歡欣樂業臣恐口外奸販囤戶聞知糧多價賤興販
射利已令總兵道員嚴行查禁並傳諭戶民按一年所需扣存外
其餘即在本處糶賣以資兵丁商民之口食等語安西屯墾地畝
今年人力既勤天時復稔各種糧穀俱獲豐收朕心深為慰慶今
查禁止奸徒興販射利辦理甚是惟是飭令民戶多餘之穀口須



在本處糶賣朕思民戶等盈餘之穀原期糶價以為日用之資若本地糶穀者少則出糶未免艱難不可不為計及着該地方官酌量本地情形不必相強若有將盈餘之穀情願出糶者着動支官銀照時價糶買存貯公所明年倘有需用之處聽辦軍需之大臣及該督撫行文支撥安西既有備用銀兩即可動用採買再於西安藩庫撥補還項此朕體恤戶民俾糶穀得價用度豐腴之意着地方官善於奉行不可勒令糶賣生事滋擾特諭 又奉

上諭據署陝甘總督查郎阿奏稱安西沙州等處地方招民屯墾仰蒙天恩賞給沿途口糧盤費借給牛具籽種房價又因民戶到沙之日尚未耕種借與七月口糧以資口食養育之恩無微不至至於輸賦年限原以三年升科自雍正六年戶民到齊之日計算至雍正辛亥年正屆升科之期凡此無業窮民得以安居樂業蒙上天賜佑兩歲豐收煖衣飽食即三年起科亦屬小民之常分第以新經移住之家一切費用取給於田畝又值年興之際物價未免稍昂民力尚未饒裕或照前議於辛亥年升科或稍寬其年限出自 聖恩等語安西沙州等處招民屯墾原為惠養邊民之計是以累年以來備極籌畫經營期於得所今從民戶到齊之日計算至辛亥之歲乃例當輸賦之期但念小民甫經安插公私兼顧為

難着寬期二年於癸丑年升科俾民力寬裕俯仰有資以副朕格外加恩之至意特諭欽此

奏疏

建設沙州協鎮議

岳鍾琪

竊維沙州係極邊要地宜改設副將以資彈壓蓋此地西通衣孫
揀漢齊老圖南連得布特爾北接哈密實屬緊要之區是以臣前
曾奏請設鎮今看得杜爾柏津地方係各隘口適中之地若有應
援之事較之沙州更為得宜故臣等今復請於杜爾柏津設鎮既
移鎮於杜爾柏津則沙州相離新城止二百餘里聲勢聯絡似可
不致孤懸但沙州地方遼濶招民開墾防護宜周且離哈密甚近
恐有行走之處應於安西西路分兵並進今鎮標議裁二營止設
三營皆駐杜爾柏津則沙州亦通各處要路且有領兵應援哈密
之任非改為沙州協特設副將駐劄誠恐遊擊等員聲勢稍輕猶
未足以彈壓其現兵一千名亦屬單弱應再添設五百名分作左
右二營每營設守備一員千總二員把總四員仍歸安西統轄查
杜爾柏津西去沙州二百餘里東去舊安西鎮城一百餘里其間
必得設營分汛方能聲勢聯絡呼應更靈伏乞
皇上睿鑒飭下施行 雍正四年七月奉部文先行

按採買一項仿自雍正四年近年因刁紳抗阻釀成巨案三十三年十月陝甘總督部堂升入奏裁免採糧丈地升科業經邑令陳公問淦派委紳士妥切查辦按畝加徵繕稟請示批准在案謹將奏疏恭錄

甘肅敦煌縣境遠在關外雍正初因兵糧不足每年由司庫發銀就地採買糧石嗣後改衛為縣兵額減少無需採糧而該縣知縣儒學典史各署毫無進款莫資辦公維時經理墾荒之員遂於每戶所領升科地五十畝外另給餘地二十畝歸民戶搭種仍按五十畝計算每戶徵屯糧京斗二石三斗有奇另納採糧京斗四石由官發給採價一千四百四十文此項採買所得盈餘即為地方各官公私費用殆猶仿古昔採地職田遺意也自乾隆五十三年以來相沿已及其初民情質樸屯採並納僉無異議迨至年遠境迂刁紳頑民不自念每戶多種地二十畝輒指採糧為陋規迭次上控曾經前總督臣左宗棠等查悉口外情形非此不能設官俱以率由舊章結案前年又據該縣紳民具呈請將採糧免納奴才竊念各官固難枵腹從公民艱尤宜體恤弊去太甚要在統顧兼籌當經飭司委員澈查酌量核減旋據該委員查復請將每戶採買一項酌減十分之四自光緒三十一年為始一律照減額徵收

隨經批准照辦並飭司頒發告示俾令遵行敦氏之良善者均已樂從詎有已革武舉張壺銘等私結黨羽歛錢抗阻從中煽惑把持脅令該戶不准完納採糧合邑正紳良氏皆畏若輩如虎因敢出頭間有遵示納糧者即被匪黨擾害該縣因查知張壺銘歷年屢滋事端動輒鳴鐘聚眾肆無忌憚不得不量加懲儆遂於本年六月十五日簽差往緝該革舉竟敢率黨拒捕去役受傷甚眾該革舉登屋抵禦自行失足倒地被獲到案旋因跌傷內損身死該舉之兄張鑒銘胆敢率領匪黨謝汶任三麻子李瘦狗等百數十人擁入縣署開闢開監奪犯搶毀物件毆傷官幕丁役並斃巡勇差役一十四名奴才接據稟報即飛飭該州縣文武嚴緝首要撫輯商民一面飭司將署該縣知縣王家彥撤任另委幹員接署在案現查該縣地方雖商民安靜惟要犯多逃匿未獲僅將張鑒銘逮案尚難辨結奴才初意本擬恤民省累無如該匪黨聚眾抗糧又復鬧署傷人若再寬容恐以後更難理治且匪黨不過數十人其餘類皆附和觀望非借資兵力無以寒匪胆而散脅從茲經奴才選調營隊但飭嚴拿首要各犯其被脅之人概從寬宥將來各要犯擒獲到案應請訊明就地懲辦以儆刁頑肅州總兵柴洪山於此案頗從姑息應由奴才檄令親往切實查辦倘再玩忽推諉

及該州縣文武各官如或辦理不力即由奴才據實嚴奏至該縣採買一項名目本屬不止未便以相沿年久再事因仍擬俟要犯就擒後飭司委員妥籌請丈按畝升科並為各官酌籌津貼庶民不種無糧之地官不被浮收之名從此釐清免資藉口所有匪徒聚眾抗糧暨現擬派兵勒緝首要各情形理合附片具陳伏乞聖鑒訓示謹奏

月牙泉龍王廟碑記

陳宏謀

鳴沙山為塞外勝境有泉依山如半月名月牙泉泉甘美深不可測咸以為中有神物焉提軍李公構亭其上余巡歷至此低徊久之佟丞蘇備為余言每年禱雨於此無不響應擬建龍王廟為祈禱之所余以四面沙隴一泉澄澈為飛沙所不能到甘露流膏泉之靈也神之澤也廟之立也宜哉敬書緣起以志神庥於弗替云

重修鳴沙書院碑記

蘇履吉

鳴沙書院創建歷有年矣延請主講束修並肄業諸生膏火大半出於公項借商生息歷年量入為出迄無餘貲甲申余署敦煌延武威孝廉曾生元魯主講顧念修脯菲薄復將公項再發千餘金歲得息餘添為修脯膏火猶慮書院傾圮未修諸生無藏修游息之地亦守土之責也將擬修葺旋以卸事去乙酉冬復調斯土下

車即與廣文孫公少府吳公倡捐並勸諭紳士氏商賈各勸是舉計得資不下千金首萬壽宮修恭錄 聖諭廣訓十六條月吉宣講俾士氏商賈咸知遵守繼修書院及月牙泉官亭義學等處興工於丙戌春三月甫一年惟書院之工尚未告竣余適權篆安西董其事者陰生玉貴白生光珠以捐資不足請命於余余復出數百金令修畢之繼而囑主講曾生少府吳公背成其事越戊子春始告竣焉是歲秋九月余因公至敦煌時曾生將赴禮闈行有日矣爰叙顛末囑曾生書之並記捐資姓名於後後之官於斯主講於斯肄業於斯者其亦念此日之修有舉之無或廢也是為記

詩

天馬歌

漢武帝

太乙沉天馬下霑赤漢沫流赭志倣儻精權奇籟浮雲暎上馳體容與迤萬里令安匹龍為友

右元狩三年天馬生渥洼水中作

天馬徠從西極涉流沙九夷服天馬徠出泉水虎脊雨化若鬼天馬徠歷無草徑千里循東道天馬徠執徐時將搖舉誰與期天馬徠開遠門竦孑身逝崑崙天馬徠龍之媒游閭闔觀玉臺

玉闕寄長安李王簿

岑 參

東去長安萬里餘故人何惜一行書
玉關西望堪腸斷况復明朝
是歲除

出玉關

來濟

歛轡遵龍漢銜悽度玉關今日流沙外垂涕念生還

玉關

陳棊

遙遙金河水鬼鬼玉門高萬里天方道五年土魯曹禹貢球琅玕
今來瑣葡萄四夷稱咸賓干矛可戢韜昔因哈密印幾年經畧勞
勞中事夷狄議論徒紛囂近時稍息肩赤斤類散逃防微戒堅冰
憂心常怵怵大宛許獻馬西旅絕貢葵中國事羈縻開闢起叫搔
安邊建長策密席有夔臯

陽關

陳棊

昔在瓜沙地今入花門塲漢時開四郡此日少敦煌予至泉蘭境
契舊餞我觴我行陽關內未遠故人傍故人莫勸酒願贈瓊瑤章
酒醉有時醒名言佩不忘芝蘭常在懷如坐君子堂室遠人則邇
斯以慰殊鄉

敦煌懷古六首

汪澂

絕域山川紀月氏漢家耀武拓邊陲降王款塞增新郡天馬征西
到貳師都護不來亭障廢屯田久罷井疆移披榛又啟敦煌境望

古茫茫動遠思

斬虜頻傳漢使功
迢迢西域道途通
玉關乞疏憐臣老
柳塞屯兵繼父風
雲樹影清沙磧
外山川境隸版圖中
五涼割據何堪問
黎庶摧殘雜遠戎

武昭奮跡自敦煌
蒙遜爭吞勢陸梁
誰使蒼黎安衽席
徒令膏血染沙場
人辭故國詩書散
兵集邊郊井邑荒
闕索風流悲絕響
登臨惟見野塵黃

將軍破虜出交河
新遣安西使節過
吳厥背盟勞控矢
吐蕃入寇屢橫戈
曾聞四鎮元戎盛
還見千山戰骨多
贈別自來嗟此地
陽關一曲起悲歌

五季紛爭擾戰塵
河湟州境半沉淪
沙陀競說軍威壯
歸義猶傳勅使頻
羌笛夜吹蒲海月
檀盧寒阻玉關春
宋元邊土成荒裔
無復編氓萬里臣

明代西疆止酒泉
整師嘉峪欲窮邊
風搖檉柳空千里
月照流沙別一天
回紇幾能通詔命
羗戎還見逞戈鋌
而今地域重開闕感
舊猶憐蔓草烟

登沙州城樓看千佛洞墩台二首

姚培和

敦煌地拓極西邊
縱步高城望渺然
遠磧荒烟連異域
廢垣古塔

建何年流沙環疊千峯岫黨水遙通萬頃田
婦子芸芸編戶盛秋成麥熟樂堯天

千佛洞

亂山叢磧隱流泉四顧靈岩有洞天
熊館陰岑連佛屋禪關春瘴起蛟淵
千秋石碣知誰讀一代琳宮尚記年
億萬法身歸冥漠如何人世說桑田

鳴沙山

朱鳳翔

隆隆白晝輕雷鳴阿香呼起驅車行
又聞殷殷奮地出漁陽慘急聲難平
驚風吹沙沙作雨古潭老魚立波舞
掀簸山谷轟喧闐游人忽欲凌飛仙
須臾沙濶轉靜寂山容對我仍怡然
西極地荒秘奇怪六鼇昂首坤輿外
磅礴氣鬱時欲通萬騎追營爭一噫
日脚漸低人影高歸途遠聽烟鐘飄
平生異聞甯有此一廣從前箏笛耳

按舊志照沙州衛志採入所載藝文皆據一郡而言今已分隸安西州茲特約取敦煌境內詩吟以備採擇

雜類

風俗

春正月元旦拜年各家門懸彩燈貼春聯元宵前後三夜燈牌尤

盛城內鼓樓前蒙紗幔畫佛像名鰲山燈士女遊觀清明節城
隍出行各家即日上墳

夏四月八日千佛洞開浴佛會士女前三日進香端陽節門揮楊
柳女子已嫁者歸母家謂之女兒節

秋八月中秋點香燭陳瓜果女兒在母家者亦回夫家謂團圓節
冬除夕戶家祭祖先用木杓或酒醋取石塊燒紅放在酒醋內各
房打灑掃除邪穢謂之打醋彈

士子自幼延師讀書貧者送入義學科歲試學額十二名自科舉
停止生員各舍業他圖蒙童以讀書為名求一誦詩書經者亦
不多得屢試開辦學堂鄉氏視為畏途今歲因陋就簡粗立規
模現已開學教授將來風氣大開人文蔚起定有蒸蒸日上之
勢

農民戶口日繁富者或種地二三分及五六分不等貧者或五厘
及二厘五毫甚至分毫全無為人傭工以資日用
工人凡習一藝者各資其值足以養家尤勤種植

商賈山陝客氏約有十分之四其餘俱係土賈開設鋪面由肅高
販運貨物零星出售當商十處皆屬土著資本亦小

婚嫁之禮舊俗尚儉近年漸習繁華貧者幾難為力

喪葬之禮多從儉樸鄉紳延賓祭奠諷經宴客貧者稱家有無或
祇諷經而已

祭祀之禮俗無大宗小宗祠宇皆奉神歲時致祭貧富不等惟攜
楮錢香燭酒饌祭於墓側以表敬心

服飾之制戶民皆用大布俱係土人紡織紳商多服洋布洋緞等
物絲帛甚少冬月羊裘頗多以生產繁孳故也女服俗尚紅綠
各色半用洋貨

食用之制鄉民尚多雜糧城內各戶專用小麥細麵戒食牛馬肉
喜食猪羊肉

按敦邑六隅風俗自雍正初年遷戶以來墾田務農俗尚勤
儉乾隆中葉改衛為縣吏治嚴明民皆順從迨數年間東南
各隅風氣猶近樸誠惟河西數坊戶有匪類數十人朋比為
奸民俗日趨強悍以是地方多事旋經 列憲黜暴安良脅
從罔治地方庶務漸次整理凡屬子民同深忭頌是亦轉禍
為福之一大關鍵也將來游惰之氓再能鼓力振奮安見澆
風之不可移耶

祥異

漢武帝元鼎四年天馬生渥洼水中即邑之月牙泉也

三危山有青鳥居之為王母使者傳書取食今無考證

官職

文職 知縣一員 訓導一員 典史一員 陰陽學一員 醫學一員 道會司一員 僧會司一員

武職 參將一員 守備一員 千總二員 把總四員 經制六員 額外四員

名宦封爵

漢武帝伐大宛貳師將軍涉流沙通西海獲王首虜珍怪之物畢

陳於闐封李廣利為海西侯

漢元帝因甘延壽陳湯矯制誅討郅支單于及閼氏貴人封延壽

為義成侯賜湯爵關內侯

班超平定西域流沙一帶皆資保障章帝封超為定遠侯

鄉賢封爵

漢張奐破先零諸羌論功當封奐不事宦官賞竟不行後因誅竇

武陳蕃知為曹節所賣封爵不受

晉段灼從鄧艾破蜀有功封關內侯

晉索靖善草書惠帝賜關內侯

宋矩慷慨有志節義不背主張重華贈振威將軍

宋繇在兵革間講誦不輟後入魏賜爵清河公

宋顯事齊沒於行陣贈爵司空公

令狐熙事周封武康郡公

唐薛萬鈞累戰有功封潞國公

異族

縣治自回亂既平花門絕種西番因有限制亦無擾害洋人遊歷至敦旋來旋去並無天主福音教堂惟蒙氏駝運往來常販牛馬羊毛等物入敦貿易平糴口糧而返敦人熟識蒙古土俗人情常川赴山販買牲畜以有易無彼此相濟尚無冰炭之虞同治年間經兵燹蒙人曾以兵助戰互相保護頗講隣誼敦人視之如至友焉纏氏自光緒二十年以後漸次來敦販賣洋貨僦居市井尚未置有產業秦州戶一巷生意頗旺土人相與交涉彼類猶有信義故無言語齟齬之患

祠祀

春秋二季官祭壇廟與各州縣相同民間合祭者有八大廟如八蠟風神龍王城隍西雲觀厲壇雷祖火神等廟是此外六隅各立方神廟其常川公每逢社會演戲由本隅老農渠正主持戶民各進香火祀事畢核算公費若干按戶均攤人心樂從至春秋祀典由官司之惟文昌廟積有存款今已提充高等小學堂經費

古績

古城晚眺 在城西里許邊牆零星尚留土臺高矗夕陽晴照暮色蒼然

千佛洞

在城東南四十里南北有深溝一道東停黑水餘波出山漸流入沙其水頓沒傍陁崖高二十餘丈層層疊疊大小各洞計三百四十二座牆內畫像莫止萬千山口無名破洞尚以百數其間飛橋天梯足音罕到猶有遺跡古殿巍峩上有睡佛塑像不知建自何年碑額書十二字曰唐宗子隴西李氏再修功德記洞北新開祖師大洞一座光緒二十六年五月中旬壁間忽閃出小洞一座內藏番漢經典數萬卷小銅佛像百餘紗絹另繪千首千眼佛像或張掛壁間或堆積石上旁懸寶幡甚多有石碑刻唐大中五年五月二十一日敕賜釋門河西都僧統攝沙州僧法律三學教主洪誓入朝詔書並使沙州釋門義學都法師悟真等字樣每逢四月八日戶氏為浴佛之會香火極盛按舊志載雷音寺即千佛洞淵源無考特登之以備查考

陽

關

在邑城西南一百四十餘里即今之南湖也距紅山口五里許旁有古佛廟尚存沙漠戈壁一望無垠間有斷磚瓦片零星堆積四圍並無邊牆前光緒十一年新疆初定撫標協台郝公奉委來敦會同邑令唐傳柄派差查勘陽關大道議開新疆南路經歷數站水源涸乾相從夫馬旋多困斃於是中道而回具議遂寢近年因羅布腦兒行旅往來其道由南湖歷陽關至巴彥布喇推莫兒西葫蘆斯太一帶通達無阻然自南湖以往水缺站遠跋履維艱惟駱駝馬晝夜兼程直至推莫兒始有人家可資歇宿查陽關西南通羅布淖止南抵柴旦右扼新疆之臂左探青海之源四面宏開蒙氏馱運不絕黑番出沒無常在在皆資防務兼以運貨大車車身行人每患渴飲維艱養牲無所不敢逕走斯路沙州營現在巴彥布喇推莫兒設有防卡稽查過客以利遠征自今西游歷羅布腦兒各處多從陽關取徑往歲英人西出由地方官代催駱駝安用纏氏藉資保護將來陽關一路實為西南要扼光緒三十一年 **陽關** 汪宗翰刊立古陽關石碑以誌遺跡

玉門關

在城西北二百餘里即古小方盤城地界北接青銅峽西通吐魯番漢班超為西域都護疏請生入玉關彼時因為華夷大道前清底定新疆開道安西由疏勒河西渡逕達哈密入新疆玉關遂成僻地即敦煌赴哈密亦由北湖紅柳園一帶開通捷徑不經玉關以故人烟稀少玉道因之塞閉今雖邊牆僅存墩臺尚在營汛防十一律裁撤未嘗經營防務然其地與吐魯番毗連水草滋生昔年田畝寬廣樹木蕃昌溝渠界畔歷歷如繪一加培植仍屬險要之區論者常恐哈薩回氏將來圖佔牧廠實為心腹之患

石包城

舊志株入今屬安西

壽昌舊縣

在城西南一百五十里西至陽關六里或云即巴彥布喇是也城牆數堵猶存

罕東左衛 舊志在敦煌故城明成化時建今無所考

安定衛 舊志在敦煌縣南本達旦別部今無所考

鳴沙山 有古城內有古塔一座高五丈有奇上寫東西北下涇州坊六字又雙開兒地方有古塔一座高六丈有奇上刻風調雨順國泰民安八字

黨河口 有黨城一座邊牆零星尚存不知建自何年

三危山 眷後有黑水城一座舊跡俱在邊牆坍塌久成廢址不通大道

按舊志所載古蹟多從酒泉志錄入今日非但無考且不歸

漢書目宿
無草頭
敦轄境故從其畧

物產

- 穀屬 大麥 小麥 大豆 小豆 胡麻 小燕麥 大燕麥
- 青稞 高粱 粟米 蕎麥 稷麥 蠶豆 黃豆 紅豆
- 扁豆 白豆 赤小豆 刀豆 芥子 豌豆

按敦邑六隅穀產廣植小麥青稞豌豆豆粟米次之大麥高粱又次之其餘各因土宜隨時播種

- 蔬屬 芹菜 蔥 韭 蒜 蘿蔔 有紅白二種 白菜 甜菜 菠菜
- 葫蘆 萬筍 茄子 芡菱 薺 莧 馬齒 苜蓿
- 沙葱 野薤 芋

按敦邑水田甚多地氣較暖菜蔬滋生比安西玉門極盛舊志載山藥一種今無所出

- 瓜屬 西瓜 王瓜 白西瓜 菜瓜 香瓜 芝麻梨瓜

按甜瓜西瓜即哈密瓜種古稱瓜州其地甚廣自關以西地

皆宜瓜敦煌有夏秋二種回回帽一種及近來纏民租種哈薩西瓜洋甜瓜二種色味極佳不亞於哈密

藥材

甘草 黃花 兔絲子 白蒺藜 萊服子 地丁 枸杞
白芥子 催生草 透骨草 蘇黃

按敦邑藥材並無上色物料小商由肅販運多係次色藥品

又不善炮製服補濟者皆從關內自購

木類

梧桐 榆 楊 柳 沙棗 白楊 青楊 紅柳 椿

按敦邑樹株繁密梧桐一種西湖極盛新店子一帶沙棗為

最南鄉楊柳極多且鉅木質又硬硬邑人皆資棟梁之用其餘

各隅雜樹一望成林六隅戶民俱講培植之法論者嘗言有

城都景象西人謂林木深則潤滋潤故敦煌遍地皆鑿井泉

其色清其味甘洵屬關外勝境今者完林學敦煌當必

菓類

桃 杏 李 梨 棗 紅菓 林檎 葡萄 桑椹
秋子

按敦邑菓園極多不亞蘭省土人嘗言家有大菓園勝似一

分田紅白二種藏至開春其色不變而味愈甘安西州屬各

販戶銷路頗旺

雜植

蘆草 菸 艾 野茶 棉花 木靈芝

羽族

鶯燕 烏鴉 黃鶻 水鴉 野鷄 山鷄 雪鷄
沙鷄 鴨 鷺 鶴 鵠 雁

毛族 豹 虎 熊 豺 狼 鹿 馬 野馬 猪 野猪 羊
野羊 黃羊 石羊 大頭羊 騾 牛 駝 犬
豕 猴 貓 兔 狐 獺 刺狹

按敦邑毛族日用各種羊最多馬次之牛又次之

鱗介 魚小無鱗出黨河

蟲豸 蜂 蠅 蜻 蚰 蟬 蟻 蚊 蝴蝶 蝸牛 蛾 蝦 蟻
蜘蛛 蚱 蚱 蟬 蟻 蛙 蝴蝶 蝸牛 蛾 蝦 蟻

